

vogt geben vnd ertailt ward, ains lieplichen Tayls vber ain komen bin. mit minen lieben frunden v̄lrichen vnd Albrechten von Richenstain : vnd sy mit mir vmb alles das güt. lüt vnd güt so wir daher / mitenander gemayn hattent. Vnd sind den selben von Richenstain / vnd jren erben ze tail geuallen dis nachbenempten lüt vnd güter / mit lib vnd mit^a güt vnd mit allen Rechten Nützzen vnd gewonhaiten so darzû gehôret: des ersten das güt jm Sennwalt² / vnd was darzû gehôret, dartzû dis nächbenempten lüt vnd güt des ersten hanns Rütiner³ vnd sine kint. zway. Wälti vnd hanns am Bül⁴. Cúnis des Gerwers wib vnd zwai jre^b kind. Wernlis / wyb am Bül vnd zwai jre kind. Jutzzi am Bül. Wälti Jutzinen sun am Bül. zwen Brunner⁵, Gisel am Bül vnd jr tochter. Engel gesen tochter. die knüppin vnd drû jre kind. Aelle^{c6} Rütinerin. vnd ains jr kind. der gasseren⁷ kind ains. Adelin vnd jr sun. Bûrkli⁸ wyb von der kilchen vnd drû jr kind. Peters wib von fillters⁹. Rûdi der wälchinen¹⁰ sun vnd sine kint. Cûni sin Brüder. vnd hainis jro brüders kind vieri. Vnd hân mich der egenampten^d lüt vnd güter gantzlich entzigen jn der vorbenempten v̄lrichs vnd Albrechts / handt von Richenstain gebrüder vnd jn jro gewalt vnd gen jren erben wie jch mich des mit Recht entzihen mocht Vnd sölent och jch vnd min erben jro vnd jro erben Recht weren sin näch tayls Recht vmb dis egenampten lüt vnd güter wâ vnd wie sù sin jemer notdürfftig werdent. Es ist och mit namen^e an disem tail Beredt. Ware das jnen ald jren erben der vorbenempten lüt vnd güter jnwendig / disen nechsten künftigen fûnff jâren jcht angesprochen ald angeuallen / wûrd da sol jch jnen beholffen sin des Rechten vnd sol gelychen schaden / darumb mit jnen hân Vnd was jn mit dem Rechten anbehebt wûrde. jnwendig den nechsten fûnf jâren das sol jch jnen halbs vssrichten vnd erwidern als gemain schidlüt zitlich vnd muglich dunkt Was och vngetailtes da belybt, Es wâr lüt ald güt. Dârûber hât sy gôtfrid von Emptz¹¹ an miner statt vnd gret¹² sin eliche wirtenne^f / vnd jr erben zû rechten gemaindern genommen Vnd sunderlichen vber das huse vnd hofraite vnderm